



揮塵錄餘話總目

卷之一

帝王自有真

王荆公薦常秩

任世初上書乞取燕雲

高宗却獻燒金及藥術

葉夢得奏對聖語

建炎符兆

高宗幸台州祥符寺

揮塵餘話

一

趙元鎮責黃彥節

沈之才引經被逐

孝宗儲祥

紹興中選擇宗子

張思廉言事多驗

祐陵與蔡元長賡歌

蔡元長作太清樓特燕記

蔡元長係和殿曲燕記延福宮曲燕記

祐陵召東宮





祖宗兵制名樞廷備檢

王文恭草制辦下多時

近世衣冠之盛

蔡敏肅帥平涼作喜遷鶯詞

東坡入翰林被旨

富文忠上章自劾

司天監亢瑛上奏

曾文肅有壽詞

陳禾節義敢言

揮麈餘話

二目

林子中野史

黃慶基摘東坡語以爲詆誣

士林佳話

景煥述野人閑話

事有相類而禍福不侔

王文穆薦同年尉

東坡送章守湖州詩

錢穆父行章子厚告詞

周美成再進汴都賦表

詞人蹈襲

沈肅達書裙帶詞

卷之二

丁晉公端研

王荆公集句詞

周美成夢中得瑞鶴僊詞

周美成風流子詞

蔡元度燕曾文肅

耿南仲席上不作詩

揮塵餘話

三日

汲古閣

張如瑩與聶賁遠王將明同官

徐典樂製轉調二郎神

東坡記發冢小話

艮嶽奇石

朱勔葬父

風和尚知人休咎

蔡攸曲燕禁中

李邕換武

詹堅老與李端初交代



黃謙狡獪

王履道詠梁師成賜第

劉跛子知人禍福

蔡元長令費孝先畫卦影

蔡元長建第錢塘

胡宗哲陳舉水清玉潤

蘇元老謝表

李泰發謝表

潭州天寧寺有平楚樓

揮塵餘話

四目

汲古閣

韋絢嘉話虛誕

向子固維揚夢果應

康倬詭易姓名

王佾戲向宗厚

宋毅叔醫田登母

王子亨醫吐舌

李氏醫腸癰

王定觀服丹砂

丁廣服丹藥

秦會之還朝入相

印行書籍自母丘儉始

靖康議狀乃馬伸之文

秦會之詆范覺民

秦會之以秦瘡爲乞字

王岐公復官

殺帥蜀之職自王曆始

宗室入蜀自趙德夫始

廉宣仲再居雪川

揮塵餘話

五目

汲古閣

秦會之擢張師言

向伯恭奏補陳序

王俊首岳侯狀

南都老盜自陳

呂元直除馬子約英州

吳升莫儔竄逐

國朝六曹尚書寄祿

王兵部跋李伯時古器圖語

劉士祥姦利



張彥實居西掖

王仲言作慈寧殿賦

相蔡元長題超覽堂字

林開相蔡元度子

九江舟中盜鑄錢

賞心亭長短句

張韓奏凱

秦會之題跋鄭德象

甄係義買機宜

揮麈餘話

六月

唐崔相國德政碑

顏魯公墨帖

團石識語

趙知府政

汲古閣


揮麈錄餘話總目終

揮塵後錄餘話卷一

宋 汝陰 王明清

明 海虞 毛晉

訂



永昌陵卜吉命司天監苗昌裔往相地西洛既覆  
土昌裔引董役內侍王繼恩登山巔周覽形勢  
謂繼恩云太祖之後當再有天下繼恩默識之  
太宗大漸繼恩乃與參知政事李昌齡樞密趙  
鎔知制誥胡旦布衣潘閔謀立太祖之孫惟吉  
適洩其機呂正惠時爲上宰鎖繼恩而迎真宗

揮塵餘話

卷一

汲古閣

于南衙卽帝位繼恩等尋悉誅竄前人已嘗記  
之熙寧中昌齡之孫逢登進士第以能賦擅名  
一時吳伯固編三元衡鑑祭九河合爲一者是  
也逢素聞其家語與方士李士寧鑿官劉育熒  
惑宗室世居共謀不軌旋皆敗死詳見國史靖  
康末趙子崧守陳州子崧先在邸中剽竊此說  
至是適天下大亂二聖北狩與門人傅亮等歃  
血爲盟以倖非常傳檄有云藝祖造邦千齡而  
符景運皇天佑宋六葉而生眇躬繼知高宗已



濟大河皇懼歸命遣其妻弟陳良翰奉表勸進  
高宗羅致元帥幕中興後亟欲大用會與大將  
辛道宗爭功道宗得其文繳進之詔置獄京口  
究治得情高宗震怒然不欲暴其事以它罪竄  
子崧于嶺外此與夏賀良赤精子之言劉歆易  
名以應符讖何以異哉豈知接千秋之統帝王  
自有真邪

熙寧初王荆公力薦常夷父乞以种放之禮召之

上云放輩詩酒自娛而已豈有經世之才如常

揮塵餘話

卷一  
二

汲古閣

秩肯來朕當以非常之禮待之故制詞云幡然  
斯來副朕虛佇蓋宣德音也

靖康初李伯紀薦任申先世初自布衣錫對欽宗  
忽問云卿在前朝曾上書乞取燕雲世初云誠  
有之臣是時爲見遼國衰弱謂我若訓練甲兵  
遲以歲月乘此機會可以盡復燕雲舊地初非  
欲結小羌擣其巢穴此書尚在可賜睿覽上云  
曾見之使如卿言燕雲之地何患不得繼以歎  
息卽批出賜進士出身自是進用世初伯雨之

子也

高宗應天中興之初大臣有薦瀘州草澤彭知一者有康濟之略隱居鳳翔府得旨令守臣錢蓋等津發至行在所既入朝迺以所燒金及藥術爲獻詔云朕不忍燒假物以誤後人仰三省發遣赴元來去處日下施行仍將燒金合用什物於街市槌毀

建炎己酉以葉夢得少縉爲左丞纔十四日而爲言者所攻而罷其自記奏對聖語備列于後一

揮塵餘話

卷一  
三

汲古閣

日進呈知婺州蘇遲奏乞減年額上供羅聖訓問祖宗額幾何臣等對皇祐編勅一萬匹問今數幾何臣等指蘇遲奏言平羅婺羅花羅三等共五萬八千七百九十七疋聖訓驚曰苦哉民何以堪臣等奏建炎赦書諸崇寧以後增添上供過數非祖宗舊制自合盡罷今遲奏乞減一半聖訓曰與盡依皇祐法臣等奏今用度祖宗時不同却恐減太多用度不足卽不免再拋買或致失信欲且與減二萬疋并八千有零數臣



等奏陛下至誠卹民可謂周盡聖訓復云如此好事利益於民一日且做得一件一年亦有三百六十件臣等退御筆卽從中出曰訪聞婺州上供羅舊數不過一萬疋崇寧以後積漸增添幾至五倍近歲無本錢皆出科配久爲民病深可矜恤今後可每年與減二萬八千匹并零數者爲永法仍令本州及轉運司每年那融應副本錢足備臣等卽施行車駕初至臨安府霖雨不止一日臣等奏事畢因言州治屋宇不多六

揮塵餘話

卷一  
四

汲古閣

宮居必隘窄且東南春夏之交多雨蒸潤非京師比聖訓曰亦不覺窄但卑溼爾然自過江百官六軍皆失所朕何敢獨求安至今寢處尚在堂外當埃將士官局各得所居遷從之人稍有所歸朕方敢遷入寢臣等皆言聖心如此人情孰不感動車駕始至臨安府手詔郎官以上悉皆許薦人材蓋特恩也一日進呈侍從官等奏狀聖訓諭臣等曰今次所薦人材不比已前當須擇其可取者便擢用之乃命竝召赴都堂審

察翌日復命臣等曰郎官等所薦士不若便令登對朕當親自延見之早朝退遍閱諸處章奏未嘗閑今後進膳罷令後殿引見及晚朝前皆可引三班庶得款曲臣等奏但恐上勞聖躬若陛下不倦接見疎遠搜訪賢能天下幸甚於是再批旨行下一日初進對聖訓首言陳東歐陽徹可贈一官并與子或弟一人恩澤始罪東等出於倉猝終是以言責人朕甚悔之今方降詔使士庶皆得言事當使中外皆知此意臣等卽

揮麈餘話

卷一  
五

汲古閣

奉詔言甚善聖訓復曰馬伸前此責去亦非罪可召還或曰聞伸已死聖訓曰不問其死但朝廷召之以示不以前責爲罪之意乃問伸自何官責臣等皆曰自衛尉少卿聖訓曰可復召爲衛尉少卿臣等奉詔而退東等於是皆贈官及與子或弟恩澤一人并詔所居優卹其家進呈湖州民王永從進錢五十萬緡佐國用臣等言戶部財用稍集亦不至甚闕聖訓曰如此卽安用徒有取民之名却之或曰已納其伍萬緡矣



今却之則前後異同聖訓曰旣不闕用可併前  
已納還之仍詔今後富民不許陳獻臣等皆言  
聖慮及此東南之民聞風當益感悅一日聖訓  
諭臣等言過江器械皆散亾甲所失尤多朕每  
躬掇甲胄閱武於宮中以勵衛士乃知舊所造  
甲有未盡善如披膊皆用鐵臂肘幾不可引以  
當胸緩急如何屈伸今皆親自裁定損益與舊  
不同極便於施行令兩浙路諸州分造甲五十  
副一以新樣爲之臣等皆言陛下畱意武事前  
揮塵餘話

卷一  
六

汲古閣

所未講盡經聖慮此前史所以稱漢宣帝器械  
技巧皆精其能朝退內出新樣甲一副示臣等  
舊轉肘鐵葉處皆易以皮屈伸無不利便佗皆  
類此其後陳東歐陽徹俱贈祕撰各又官其二  
子仍賜田十頃

高宗建炎二年冬自建康避狄幸浙東初度錢塘  
至蕭山有列拜于道側者揭其前云宗室趙不  
衰以下起居上大喜顧左右曰符兆如是吾無  
慮焉詔不衰進秩三等是行雖涉海往返然天

下自此大定矣不衰卽善俊之父此與太宗征河東宋捷之祥一也是時選御舟棹工又有趙立畢勝之讖

建炎庚戌正月三日高宗航海次台州之章安鎮落帆于鎮之祥符寺前屏去警蹕易衣徒步登岸時長老者方陞座道祝聖之詞帝趾忽前聞其稱讚之語甚喜戒左右勿令驚惶而諦聽之少焉千乘萬騎畢集始知爲六飛臨幸野僧初不閑禮節恐怖失措從行有司始教以起居之

揮塵餘話

卷一  
七

汲古閣

儀

李承造升之云  
詞宋刻作祠

紹興中趙元鎮爲左相一日入朝見自外移竹栽入內奏事畢亟往視之方興工於隙地元鎮詢誰主其事曰內侍黃彥節也元鎮卽呼彥節詬責之曰頃歲艮嶽花石之擾皆出汝曹今將復蹈前轍邪命勒軍令狀日下罷役彥節以聞于上翌日元鎮奏事上諭曰前日偶見禁中有空地因令植竹數十竿非欲以爲苑囿然卿能防微杜漸如此可謂盡忠爾後儻有似此等事勿



憚以警朕之不逮也

彥節自云

沈之才者以碁得幸思陵爲御前祇應一日禁中  
與其類對奕上諭曰切須子細之才遽曰念茲  
在茲上怒云技藝之徒迺敢對朕引經邪命內  
侍省打竹篋二十逐出

廉宣仲云

秀州外監張浩自云少隸軍籍嘗爲杉清闈官虞  
候一日晚出郊過嘉興縣忽覩丞廳赤光照天  
疑爲回祿亟入視之云趙縣丞之室適免身得  
雄是誕育孝宗也浩之子樸今爲監官家于縣

揮塵餘話

卷一

汲古閣

橋之西可質焉

張浩自云

紹興壬子詔知大宗正事安定郡王令時訪求宗  
室伯字號七歲以下者十人入宮備選十人中  
又擇二人焉一肥一癯迺畱肥而遣癯賜銀三  
百兩以謝之未及出思陵忽云更子細觀迺令  
二人义手竝立忽一猫走前肥者以足蹴之上  
曰此猫偶爾而過何爲遽踢之輕易如此安能  
任重耶遂畱癯而逐肥者癯者乃阜陵也肥者  
名伯浩後終於溫川都監

趙子導彥沔云

辛巳歲顏亮寇淮江浙震動有處州遂昌縣道流  
張思廉者人稱爲有道之士言事多驗時李正  
之大正爲邑尉從而問之思廉以片紙書云脊  
乃在位初得之殊不可曉次年阜陵改名正儲

登極

李正之二云

明清頃於蔡微處得觀祐陵與蔡元長賡歌一軸  
皆真迹也今錄於後巳亥十一月十三日南郊

祭天齋宮卽事賜太師報本精禋自國南先期

清廟宿齋巖層霄初

今上御名

同雲霽暖吹俄回海

揮塵餘話

卷一  
九

汲古閣

日暹十萬軍容水作陣九街鴛瓦玉爲簷肅雍  
顯相同元老行慶均釐四海霑太師臣京恭和  
雪晴至日月初南帝舉明禋祀事巖萬瓦溝中  
寒色在一輪空外曉光暹雲和龍軀開水轍風  
暖鸞旗拂凍簷共喜天心扶聖德珠璣更誤寵  
恩霑展采齊明拱面南濃雲深入夜更嚴風和  
不放瓊英落日暖高隨玉漏遲照地神光臨午  
陛鳴臯仙羽下重簷五門回仗如天上看舉雞  
竿雨露霑袞龍朱履午階南大輦鸞鳴羽衛嚴



玉軫乍回黃道穩金烏初上白雲遲五門曉吹  
開旗尾萬騎花光入帽簷已見神光昭感格鶴  
書恩下萬邦霑飲福初回八陛南凝旒哀對百  
神嚴睨消塵入康衢潤神應光隨北陛遲丹檻  
雉開中扇影朱繩鶴下五門簷羣生鼓舞明禋  
畢却憶花飛舞袖霑清廟齋幄常有詩賜太師  
已曾和進禋祀禮成以目擊之事依前韻再進  
今亦用元韻復賜太師非特以此相困蓋清時  
君臣賡載亦一時盛事耳靈鼓黃麾道指南紫

揮塵餘話

卷一

汲古閣

壇蒼壁示凝嚴聯翩玉羽層霄下烜赫神光愛  
景暹爲喜鸞輿回鳳闕故畱芝蓋出虬簷禮天  
要作斯民福解雨今當萬物霑太師以被賜遲  
字韻詩前後凡三次進和蓋欲示其韻愈嚴而  
愈工耳復以前韻又賜太師天位迎陽轉斗南  
千官山立盡恭嚴共欣奠玉煙初達爭奉回鸞  
日已遲歸問雪中誰詠絮冥搜花底自巡簷禮

成却喜歌盈尺端爲來趁萬寓霑

唐杜甫詩巡簷索共梅花

笑蓋雪事也

太師臣京題神霄宮下馬神霄第一回

晴空宮殿九秋開月中桂子看時落雲外仙輶  
特地來參差碧瓦切昭回繡戶雲輻次第開仙  
伯九霄曾付託得隨真主下天來神霄玉清萬  
壽宮慶成卿以使事奉安聖像聞有二詩書幃  
俯同其韻復賜太師碧落金風爽氣回藁霄乍  
喜瑞霞開經營欲致黎元福敢謂詩人詠子來  
矐矐日馭曉光回金碧相宜玉府開步武煙霞  
還舊觀百神應喜左元來昨日召卿等自卿私  
第泛舟經景龍江游擷芳園靈沼聞卿有小詩

揮麈餘話

卷一  
十一

汲古閣

今俯同其韻賜太師景龍江靜喜安流玉色閒  
看浴翅鷗已覺西風頗無事何妨穩泛濟川舟  
登山想見畱雲際賞日還能飭水涯對此已多  
重九興先輸黃髮賞黃花錦繡煙霄碧玉山縈  
紆靜練照晴川畱連不惜厭厭去雅興難忘旣  
醉篇上清寶籙宮立冬日講經之次有羽鶴數  
千飛翔空際公卿士庶衆目仰瞻卿時預榮觀  
作詩紀實來上因俯同其韻賜太師以下上清  
講席鬱蕭臺俄有青田萬侶來蔽翳晴空疑雪



舞低徊轉影類雲開翻翰清淚遙相續應瑞疑  
時尚不回歸美一章歌盛事喜今重見謫仙才  
又上巳日賜太師金明春色正芳妍修禊佳辰  
集衆賢久矣愆陽懼曠早沛然膏雨潤農田乘  
時賸挾花盈帽胥樂何辭酒滿船所賴燮調功  
有自佇期高廩報豐年微元長之孫自云當其  
父祖富貴鼎盛時悉貯于隆儒亨會閣此百分  
之一二焉國禍家艱之後散落人間不知其幾

也

御名  
擴字

揮塵餘話

卷一  
十二

汲古閣

祐陵癸巳歲蔡元長自錢唐趣召再拜詔特錫燕  
于太清樓極承平一時之盛元長作記以進云  
政和二年三月皇帝制詔臣京宥過肯愆復官  
就第命四方館使榮州防禦使臣童師敏齋詔  
召赴闕臣京頓首辭繼被御札手詔責以大義  
惶怖上道於是飲至于郊曲燕于垂拱殿祓禊  
于西池寵大恩隆念無以稱上曰朕攷周宣王  
之詩古甫燕喜既多受社來歸自鎬我行永久  
飲御諸友魚鼈膾鯉其可不如古者詔以是月

八日開後苑太清樓命內客省使保大軍節度  
觀察畱後帶御器械臣譚稹同知入內內侍省  
事臣楊戩內客省使保康軍節度觀察畱後帶  
御器械臣賈祥引進使晉州管內觀察使勾當  
內東門司臣梁師成等伍人總領其事西上閣  
門使忠州刺史尚藥局典御臣鄧忠仁等十一  
三人掌典內謁者職有司請辦具上帝費用前  
三日幸太清相視其所曰於此設次於此陳器  
皿於此置尊罍於此膳羞於此樂舞出內府酒

揮塵餘話

卷一  
十三

汲古閣

尊寶器琉璃馬瑙水精玻璃翡翠玉曰以此加  
爵致四方美味螺蛤蝦鱖白南海瓊枝東陵玉  
藥與海物惟錯曰以此加邊頒御府寶帶宰相  
親玉以玉執政以通犀餘花犀曰以此實篋教  
坊請具樂奏上弗用曰後庭女樂肇自先帝隸  
業天臣未之享其陳于庭上曰不可以燕樂廢  
政是日視事垂拱殿退召臣何執中臣蔡京臣  
鄭紳臣吳居厚臣劉正夫臣侯蒙臣鄧洵仁臣  
鄭居中臣鄧洵武臣高侏臣童貫崇政殿閱弓



馬所子弟武伎引強如格各命以官遂賜坐命  
宮人擊鞠臣何執中等辭請立侍上曰坐乃坐  
於是馳馬舉仗翻手覆手九素如綴又引滿馳  
射妙絕一時賜賚有差乃由景福殿西序入苑  
門就次以憇詔臣蔡京曰此跬步至宣和卽昔  
言者所謂金柱玉戶者也厚誣官禁其令子攸  
掖入觀焉東入小花逕南度碧蘆叢又東入便  
門至宣和殿止三楹左右挾中置圖書筆硯古  
鼎彝壘洗陳几案榻漆以黑下宇純朱上棟飾  
綠無文采東西廡側各有殿亦三楹東曰瓊蘭  
積石爲山峯巒間出有泉出石竇注於沼北有  
御札靜字榜梁間以洗心滌慮西曰凝方後曰  
積翠南曰瑤林北洞曰玉宇石自壁隱出巖巖  
峻立幽花異木扶疎茂密後有沼曰環碧兩旁  
有亭曰臨漪華渚沼次有山殿曰雲華閣曰太  
寧左躡道以登中道有亭曰琳霄垂雲騫鳳層  
巒不大高峻俯視峭壁攢峰如深山大壑次曰  
會春閣下有殿曰玉華玉華之側有御書牓曰

三洞瓊文之殿以奉高真宥有種玉綠雲軒相  
峙臣奏曰宣和殿閣亭沼縱橫不滿百步而修  
真觀妙發號施令仁民愛物好古博雅玩芳綴  
華咸在焉楹無金瑱壁無珠璫堦無玉砌而沼  
池巖谷谿澗原隰太湖之石泗濱之磬澄竹山  
茶崇蘭香萑葩華而紛郁無犬馬射獵畋遊之  
奉而有鷗鳧雁鶩鴛鴦鷓鴣龜魚馴馴雀飛而  
上下無筦絃絲竹魚龍曼衍之戲而有松風竹  
韻鶴唳鶯啼天地之籟適耳而白鳴其潔齊清

揮塵餘話

卷一  
十五

汲古閣

靈雅素若此則言者不根葢不足恤日午謁者  
引執中以下入女童樂四百靴袍玉帶列排場  
肅然無敢謦咳者宮人珠籠巾玉束帶秉扇拂  
壺巾劔鉞持香毬擁御牀以次立亦無敢離行  
失次皇子嘉王楷起居升殿側侍進趨莊重儼  
若成人臣執中等前賀曰皇子侍燕宗社之慶  
樂作節奏如儀聲和而繹羣臣同樂宜略去苛  
禮飲食起坐當自便無間執事者以寶器進上  
量滿酌以賜命皇子宣勸羣臣惶恐飲醵又以



惠山泉建溪毫棧烹新貢太平嘉瑞鬪茶飲之  
上曰日未晡可命樂殿上笙簧琵琶箏篪方響  
箏簫登陛合奏宮娥妙舞進御酒上執爵命掌  
樽者注羣臣酒曰可共飲此杯羣臣俯伏謝上  
又曰可觀羣臣凭陛以觀又頓首謝又命宮娥  
撫琴擘阮已而羣臣盡醉臣竊考鹿鳴之什冠  
於小雅而忠臣嘉賓得盡其心旣醉太平之時  
醉酒飽德人有士君子之行在昔君臣施報之  
道在於飲食燕樂之間太清自真祖開宴以迄

揮塵餘話

卷一  
十六

汲古閣

于今飲食之設供張之盛樂奏之和前此未有  
勸侑之恩禮意之厚相與無間之情亦今昔所  
無實君臣千載之遇而臣德輜智殫曾不足仰  
報萬分昔仲甫徂齊式遄其歸而吉甫作誦穆  
如清風召虎受命錫以圭瓚虎拜稽首對揚王  
休作召公考天子萬壽然則上之施光下之報  
宜厚而臣老矣論報無所切不自量慕古人之  
口謹稽首再拜誦曰皇帝在御政若稽古昔周  
宣王燕嘉吉甫曰來汝京實始予輔厥初有爲

唱予和汝式迤其歸遠于吳楚勞還于庭飲至  
于露既又享之其開禁禦有來帝車相視其所  
於此膳羞於此樂舞海物惟錯于以加俎何錫  
予之實筐及篚簫鼓鏘鏘後庭委女帝曰宣和  
不遠跬步人昔有言金柱玉戶帝命子攸爾掖  
爾父乃瞻庭除乃歷殿廡綠飾上棟漆朱下宇  
梁無該雕檻不采組有石巖巖有泉滑滑體道  
清心於此燕處彼言厚誣何恤何慮帝執帝爵  
勸酬交舉毋相其儀毋間笑語有喜惟王飲之  
揮塵餘話

卷一  
十七

汲古閣

俾飲臣拜稽首千載之遇君施臣報式燕且譽  
臣拜稽首明命是賦天子萬年受天之祐

磬

宋  
磬刻作

蔡元長所述太清樓特燕記既列於前又得保和  
殿曲燕延福宮曲燕二記今復載于左方宣和  
元年九月十二日皇帝詔臣蔡京臣王黼臣越  
王俛臣燕王似臣嘉王楷臣童貫臣嗣濮王仲  
忽臣馮熙載臣蔡攸燕保和殿臣蔡儵臣蔡脩  
臣蔡儵東曲水朝於玉華殿上步西曲水循醪



曠架至太寧閣登層巒林霄騫鳳垂雲亭景物  
如前林木蔽蔭如勝始至保和殿三楹楹七十  
架兩挾閣無綵繪飾侈落成於八月而高竹崇  
檜已森然蒼鬱中楹置御榻東西二間列寶玩  
與古鼎彝器王左挾閣曰妙有設古今儒書史  
子楮墨右曰日宣道家金櫃玉笈之書與神霄  
諸天隱文上步前行稽古閣有宣王石鼓歷邃  
古尚古鑑古作古傳古博古祕古諸閣藏祖宗  
訓謨與夏商周尊彝鼎鬲爵斝卣敦盤孟漢晉  
揮塵餘話

卷一  
十八

汲古閣

隋唐書畫多不知識駭見上親指示爲言其槩  
因指閣內此藏卿表章字札無遺者命開櫃櫃  
有朱隔隔內置小匣匣內覆以繒綺得臣所書  
撰淑妃劉氏制臣進曰札惡文鄙不謂襲藏如  
此念無以稱報頓首謝抵玉林軒過宣和殿列  
岫軒天真閣凝德殿之東崇石峭壁高百丈林  
壑茂密倍於昔見過翠翹燕閣諸處賜茶全眞  
殿上親御擊注湯出乳花盈面臣等惶恐前曰  
陛下略君臣夷等爲臣下烹調震悸惶怖豈敢

啜頓首拜上曰可少休乃出瑤林殿中使馮皓傳旨畱題殿壁喻臣筆墨已具乃題曰瓊瑤錯落密成林檎竹交加午有陰恩許塵凡時縱步不知身在五雲深頃之就坐女童樂作坐間賜荔子黃橙金柑相間布列前後命師文浩剖橙分賜酒五行再休許至玉真軒在保和西南廡卽安妃粧閣命使傳旨曰雅燕酒酣添逸興玉真軒內看安妃詔臣賡補成篇臣卽題曰保和新殿麗秋輝詔許塵凡到綺闈方是時人自

揮塵餘話

卷一  
十九

汲古閣

謂得見妃矣旣而但画像掛西垣臣卽以謝奏曰玉真軒檻暖如春只見丹青未有人月裏常娥終有恨鑑中姑射未應真須史中使召臣至玉華閣上手持詩曰因卿有詩況姻家自當見臣曰頃緣葭莩已得拜望故敢以詩請上大笑妃素粧無珠玉飾綽約若仙子臣前進再拜叙謝妃答拜臣又拜妃命左右掖起上手持大觥酌酒命妃曰可勸太師臣奏曰禮無不報不審酬酢可否於是持瓶注酒授使以進再坐徹女



童去羯鼓御侍奏細樂作蘭陵王楊州散古調  
酬勸交錯上顧羣臣曰桂子三秋七里香七里  
香桂子名也臣楷頃許對曰麥雲九夏兩歧秀  
臣攸曰雞舌五年千歲棗臣曰菊英九日萬齡  
黃乃賡載歌曰君臣燕衍昇平際屬句論文樂  
未央臣奏曰陛下樂與人同不間高卑日且莫  
久勤聖躬不敢安上曰不醉無歸更勸迭進酒  
行無算上忽憶紹聖春宴口號二句問曰卿所  
作否餘句云何臣曰臣所進詩歲久不記上曰

揮麈餘話

卷一  
二十

汲古閣

是時以疾告假哲宗召至宣和西閣問所告假  
者對曰臣有負薪之疾不果預需雲之燕哲宗  
曰蔡承旨有佳句曰紅蠟青煙寒食後翠華黃  
屋太微間不可不赴上曰臣敢不力疾遵奉是  
日待漏東華哲宗已遣使詢來否語罷命郝隨  
持盃以勸凡三酬大醉免謝扶出因沉吟曰記  
上下句有曰集英班者繼而曰牙牌曉奏集英  
班日照雲龍下九關紅蠟青煙寒食後翠華黃  
屋太微間繼又曰三天樂奏三春曲萬歲聲連

萬歲山欲識君臣同樂意天威咫尺不違顏臣  
頓首謝曰臣操筆注思於今二十年陛下語及  
方省髮髯然不記一字陛下藩邸已知臣蓋非  
今日豈勝榮幸再拜謝上輪指曰二十四年矣  
左右皆大驚非聖人孰與夫此臣又謝曰臣被  
知藩邸受眷紹聖兩朝遭遇臣駑下衰老無毫  
髮稱報上曰屢見哲宗道卿但爲章惇輩沮忌  
不及用朕時年八歲垂髻侍側一日哲宗疑慮  
默若有所思問曰大臣以謂不當紹述朕深疑

揮麈餘話

卷一  
三十一

汲古閣

之奏曰臣聞子紹父業不當問人何疑之有哲  
宗駭曰是兒有大志如此由是劉摯呂大防相  
繼斥逐紹述自此始臣奏曰陛下曲燕御酒樂  
欣交通而追時惟哲宗付託與紹述之始孝友  
篤於誠心非臣之幸社稷天下之幸因再拜賀  
黼已下皆再拜上又曰嘗記合食與卿否臣謝  
曰是時大禮禁嚴厨饗不得入賀食端邸蒙陛  
下賜之臣被遇自茲終身不敢忘又曰崇政殿  
試卿在西幕詳定時因入持扇求書得二詩皆



杜甫所作詩曰戶外昭容紫袖垂雙瞻御座引  
朝儀香飄合殿春風轉花覆千官淑景移又五  
夜漏聲催曉箭九重春色醉仙桃旌旗日暖龍  
蛇動宮殿風微燕雀高臣曰崇寧初蒙宣諭扇  
猶在上曰今尚在也臣曰自古人臣遭遇或以  
一能一技見知當時名顯後世臣章句片言二  
十年前已蒙收錄崇寧以來被遇若此君臣千  
載豈非一日君之施厚臣之報豐臣無尺寸孤  
負恩紀但知感涕上曰卿可以安矣臣又奏曰

揮塵餘話

卷一  
二十二

汲古閣

樂奏繽紛酒觴交錯方事燕飲上及繼述下及  
故老若朋友相與銜盃酒接慇懃之歡道舊論  
新顧臣何足以當臣請序其事以示後世知今  
日燕樂非酒食而已夜漏已二鼓五籌衆前奏  
丐罷始退十三日臣京序延福宮曲宴記宣和  
二年十二月癸巳召宰執親王等曲宴于延福  
宮特召學士承旨臣李邦彥學士臣宇文粹中  
與示異恩也是日初御睿謨殿設席如外廷賜  
宴之禮然器用殺品瓌奇精緻非常宴比仙韶

執樂和音曼聲合變爭節亦非教坊工人所能  
髣髴上遣殿中監蔡行諭旨曰此中不同外廷

無彈奏之儀但飲食自如食味果實有餘者自

可攜歸酒五行以碧玉醞宣諭

侍宴諸臣云前此曲宴早坐未

嘗宜勸令少憇於殿門之東廡晚召赴景龍門

出異數

觀燈玉華閣飛陞金碧絢耀疑在雲霄間設衢

樽鈞樂于下都人熙熙且醉且戲繼以歌誦示

天下與民同樂之恩侈太平之盛事次詣穆清

殿後入崆峒洞天過霓橋至會寧殿有八閤東

揮塵餘話 卷一 汲古閣

西對列曰琴碁書畫茶丹經香臣等熟視之自

崆峒入至八閤所陳之物左右上下皆琉璃也

映徹焜煌心目俱奪閤前再坐小案玉笋珍異

如海陸羞鼎又與睿謨不同酒三行甚速起詣

殿側縱觀上謂保和殿學士蔡翃曰引二翰苑

子細看一一說與諄論再三次詣成平殿鳳燭

龍燈燦然如画奇偉萬狀不可名言上命近侍

取茶具親手注湯擊拂少頃曰乳浮醞面如疎

星澹月顧諸臣曰此自布茶飲畢皆頓首謝既



而命坐酒行無算復出宮人合曲妙舞蹁躑態  
有餘妍凡目創見上諭臣邦彥臣粹中曰此盡  
是嬪御自來翰林不曾與此集自卿等始又曰  
翰林志誰修太宰王黼奏云承旨李邦彥上顧  
臣邦彥曰好翰林志可以盡載此事此卿等榮  
遇臣邦彥謝不敏瓊瑤玉舟宣勸非一上每親  
臨視使醕復顧臣某曰李承旨善飲仍數被特  
勸夜分而罷臣仰惟陛下加惠親賢共享太平  
肆念詞臣許陪鼎席宗工之末周於待遇略去

揮塵餘話

卷一  
二十四

汲古閣

常儀臣邦彥粹中首膺異數親承玉音俾編載  
榮遇以侈北門之盛蓋陛下崇儒右文表異輦  
禁用示眷矚之意誠千載幸會也竊伏惟念一  
介微臣粵自布衣叨膺識擢凡所蒙被度越倫  
輩曾微毫忽以助山嶽茲侍燕衍咫尺威顏獨  
誤睿獎至官而不名豈臣糜捐所能稱塞臣切  
觀文武之盛始於憂勤而逸樂繼之鹿鳴之燕  
羣臣嘉賓得盡其心故天保之報永永無極臣  
雖么陋敢忘歸美之義輒揚盛賁備載于篇使

視草之臣知聖主曲宴內務自臣等始謹錄進  
呈伏取進止

宣和末祐陵欲內禪稱疾作令召東宮先是欽宗  
在朱邸每不平諸倖臣之恣橫至是內侍數十  
人擁鄆王楷至殿門時何瓘以殿帥守禁衛仗  
劔拒之鄆王趨前曰太尉豈不識楷耶瓘指劔  
以示曰瓘雖識大王但此物不識耳皆皇恐辟  
易而退始亟趨欽宗入立

李子成可久云

建炎庚戌先人被旨脩祖宗兵制書成賜名樞廷

揮塵餘話

卷一  
二十五

汲古閣

備檢今藏于右府其詳已見後錄獨有引文存  
于家集用錄于後臣竊聞祖宗兵制之精者蓋  
能深鑒唐末五代之弊也唐自盜起幽陵藩鎮  
竊據外抗王命內擅一方其末流至於朱溫以  
編戶殘寇挾宣武之師睥睨王室必俟天子禁  
衛神策之兵屠戮俱盡却遷洛陽乃可得志如  
李克用王建楊行密非不忠義旋以遐方孤鎮  
同盟欲缺王室皆悲叱憤懣坐視兇逆終不能出  
一兵內嚮者昭宗親兵旣盡朱溫羽翼已就行



密輩崎嶇於一邦初務養練不能遽成此內外俱輕盜臣得志之患也後唐莊宗萃名將握精兵父子轉戰二十餘年僅能滅梁功成而驕兵制不立弗虞之患一夫夜呼內外瓦解故李嗣源以老將養病私第起提大兵與趙在禮合於甘陵返用莊宗直擣大梁之術徑襲洛陽乘內輕外重之勢數日而濟大事其後甘陵舊卒恃功狂肆邀求無窮至一軍盡誅血膏原野而明宗爲治少定如李從珂晉高祖劉知遠郭威皆

揮塵餘話

卷一  
二十六

汲古閣

提本鎮之兵直入中原而內外拱手聽命者循用莊宗明宗之意也周世宗知其弊始募天下亾命寘於帳下立親衛之兵爲腹心肘腋之用未及朞年兵威大振敗澤潞取淮南內外兼濟莫之能禦當是時藝祖皇帝歷試諸難親總師旅應天順人曆數有歸則躬定軍制紀律詳盡其軍製親衛殿禁之名其營立龍虎日月之號功臣勲爵優視公師至檢校官皆令僕臺憲之長封叙父母妻子榮名崇品悉以與之郊祀赦

宥先務贍軍衍士金幣緡錢無所愛惜然令以  
威駕峻其等差爲一階一級之法動如行師俾  
各伏其長待之盡矣爲出戍法使更出迭入無  
顧戀家室之意殊方異邦不能萌其非心僅及  
三年已復更成爲卒長轉員之例定其功實超  
轉資級以彼易此不使上下人情習熟又其下  
懍懍每有事新之懼樞府大臣侍便殿專主簿  
員限三日畢事命出之後一日遷陟不得少畱  
此祖宗制兵垂法作則大指也器甲精堅日課

揮塵餘話

卷一  
二十七

汲古閣

其藝而無怠惰者矣選爲教首嚴其軍號精其  
服飾而驕銳出矣中都二防製造兵器旬一進  
視謂之旬課列置武庫故械器精勁盈物充積  
前世所無至纖至悉舉自宸斷臣下奉行惟恐  
不及其最大者召前朝慢令恃功藩鎮大臣一  
日而列於環衛皆俯伏駭汗聽命不暇更用侍  
從館殿郎官拾遺補闕代爲守臣銷累朝跋扈  
偃蹇之患於呼吸俄頃之際每召藩臣朝令夕  
至破百年難制之弊使民享安泰於無窮者宸



心已定利害素分剛斷必行故也其定荆湖取巴蜀浮二廣平江南者前後精兵不過三十餘萬京師屯十萬足以制外變外郡屯十萬足以制內患京師天下無內外之患者此也京師之內有親衛諸兵而四城之外諸營列峙相望此京師內外相制之兵也府畿之營雲屯數十萬之衆其將副視三路者以虞京城與天下之兵此府畿內外之制也非特此也凡天下兵皆內外相制也以勇悍忠實之臣分控西北邊孔道

何繼筠守滄景李漢超守關南以拒虜郭進在邢州以禦太原姚內斌守慶州董遵誨守通遠軍以捍西戎傾心委之讒謗不入來朝必升殿賜坐對御飲食錫賚殊渥事事精豐使邊境無事得以盡力削平東南僭偽諸國者得猛士以守四方而邊境夷狄無內外之患者此也州郡節察防團刺史雖召居京師謂之遙授至於一郡則盡行軍制守臣通判名銜必帶軍州其佐曰簽書軍事及節度觀察軍事推官判官之名

雖曹掾悉曰叅軍一州稅賦民財出納之所獨  
曰軍資庫者蓋稅賦本以贍軍著其實於一州  
官吏與帑庫者使知一州以兵爲本咸知所先  
也置轉運使於逐路專一飛輓芻糧餉軍爲職  
不務科斂不抑兼并富室連我阡陌爲國守財  
爾緩急盜賊竊發邊境擾動兼并之財樂於輸  
納皆我之物所以稅賦不增元元無愁歎之聲  
兵卒安於州郡民庶安於田閭外之租稅足以  
贍軍內之甲兵足以護民城郭與鄉村相資無  
揮塵餘話

卷一  
二十九

汲古閣

內外之患者此也一州錢斛之出入士卒之役  
使令委貳郡者當其事一兵之寡一米之微守  
臣不得而獨預其防微杜漸深矣出銅虎符契  
以發兵驗其機括不得擅興以革僞冒節度州  
有三印節度印隨本使在闕則納于有司觀察  
印則長吏用之州印則晝付錄事掌用至暮歸  
於長吏凡節度使在鎮兵杖之屬則觀察屬官  
用本使印判狀焉田賦之屬則觀察屬官用本  
使印簽狀焉刺屬縣則用州印本使判狀焉故



命師必曰某軍節度某州管內觀察等使某州  
刺史必具此三者言軍則專制兵旅言管內則  
專總察風俗言刺史則治其州軍此祖宗損益  
唐制軍民之務職守之分俾各歸其實也逐縣  
置尉專捕盜賊濟以縣巡檢之兵不足則會合  
數州巡檢使之兵又不足則資諸守臣兼提舉  
兵甲賊盜公事與一路帥臣兼兵馬鈐轄者故  
兵威強盛鼠偷草竊尋卽除蕩蓋內外相維上  
下相制若臂運指如尾應首靡不相資也凡統

禪塵餘話

卷一  
三十

汲古閣

馭施設制度號令人不致慢者功過必行明於  
賞罰而已明於賞罰則上下奮勵知所聳動而  
姦宄不敢少踰繩墨之外事必立就也怒蜀大  
將之貪暴也曹彬獨無所污自客省使隨軍都  
監超授宣徽南院使養成軍節度使以賞之御  
便殿閱武第其藝能連營俱令轉資至於荆罕  
儒戰死責部將不効命斬石進等二十九人雄  
武兵白晝掠人於市至斬百輩乃止川班直訴  
賞則盡戮其將校而廢其班太祖嘗曰撫養士

卒不吝爵賞苟犯吾法惟有劔耳然神機所照及物無遺察人之心而人盡死力班太原之師則謂將士曰爾輩皆吾腹心爪牙吾寧不得太原豈忍令害爾輩也或訴郭進修第用甯瓦如諸王制則曰吾於郭進豈減兒女耶祖宗賞罰雖明有誠心以及物故天下用命兵雖少而至精也逮咸平西北邊警之後兵增至六十萬皇祐之初兵已一百四十萬矣故翰林學士孫洙號善論本朝兵者其言古者兵一而已今內外

揮塵餘話

卷一  
三十一

汲古閣

之兵百餘萬而別爲三四又離爲六七也別而爲三四禁兵也廂兵也蕃兵也離而爲六七者謂之兵而不知戰者也給漕輓者兵也服工役者兵也繕河防者兵也供寢廟者兵也養國馬者兵也疲老而坐食者兵也前世之兵未有猥多如今日者也前世制兵之害未有甚於今日者也蓋常率計天下之戶口千有餘萬自皇祐一歲之入一倍二千六百餘萬而耗於兵者常十八而雷州以供軍者又數百萬也總戶口歲



入之數而以百萬之兵計之無十戶而資一廂  
兵十畝而給一散卒矣其兵職衛士之給又浮  
費數倍何得而不大蹙也況積習剝弊又數十  
年教習不精士氣不振揀兵則黠數而已宣借  
則重疊妄監逃亾已久而衣糧自如疲瘵無堪  
而虛名具數元豐中神宗謂宰臣吳充曰祖宗  
以來制軍有意凡領在京殿前馬步軍司所統  
諸指揮置都使虞候分領之凡軍中之事止責  
分領節度之人則軍衆自齊責之旣嚴則遇之

揮塵餘話

卷一  
三十二

汲古閣

亦優故軍校轉員有由行伍不久已轉至團練  
使者王者之衆不得不然若諸路則軍校不過  
各領一營耳周室雖盛至康之後寢已衰微本  
朝太平百餘年由祖宗法度具在豈可輕改也  
自昔夷狄橫而窺中國者先觀兵之盛衰然則  
兵備可一日忘哉蓋祖宗相承其愛民之實若  
出一心謂民之作兵者多與兵之仰者衆而民  
不可重困也故張齊賢欲益民兵呂蒙正曰兵  
非取於民不可而真宗以深念擾動邊人遂止

河東河北旣置義勇軍以韓琦忠亮急於備邊  
猶欲刺陝西民爲義勇諫官司馬光抗章數十  
萬言其不可熙寧申命天下教保甲盛於元豐  
本周官寓兵於農之意聯什伍之民族黨相保  
舉三路言之凡有百萬人天下稱是旋亦廢置  
蓋兵雖可練而民不可重擾也本朝旣以民作  
軍矣又求之猷畝則州郡內外皆兵前世所未  
有也此祖宗重以民爲兵也臣謹列自建國已  
來兵制沿革與夫祖宗禦戎備邊又諸軍興廢

揮塵餘話

卷一  
三十三

汲古閣

所因詳著於篇者凡二百卷又原祖宗聖意之  
不見於文字者爲之序然竊嘗謂後世誦帝堯  
之德惟知茅茨不剪土階三尺而已至史謂就  
之如日望之如雲則堯及物之功與天地等矣  
惟書曰乃聖乃神乃武乃文具是四者堯德乃  
備則固由所見淺深歟其惟祖宗以聖神文武  
幹運六合鞭笞四夷悉本於兵其精神心術之  
微蓋不在迹然効神宗重規疊矩之盛在本聖  
心而其事顧豈能盡今臣之淺拙雖欲納繹傳



載所有不能知也

熙寧三年曾宣靖爲昭文相以疾乞解機政久之除守司空侍中河陽三城節度使集禧觀使王文恭爲內相當制進進草神宗讀至高旗鉅節遙臨踐土之邦間館珍臺獨揖浮丘之袂顧文恭笑云此句甚熟想備下多時文恭云誠如聖訓歸語其子仲修云吾自聞魯公丐去卽辦此一聯歎服上之精鑒如此

蘇仁仲云

裕陵懷韓魏公定策之勲崇德報功不次擢其子

揮塵餘話

卷一  
三十四

汲古閣

儀公忠彥登禁路未及柄用而魏公薨甚爲不滿故丞用曾宣靖之子令綽執事樞柄時元豐官制初行肇建東西二府俾迎宣靖入居虞侍之爲搢紳之美談後二十年儀公始相祐陵思陵中興興念故家所以富鄭公之孫季申直柔儀公之孫似夫肖胄相繼賜第爲右府又三十年令綽之孫欽道懷亦賜出身登宰席皆近世衣冠之盛事若蔡元長之於攸秦會之於燔益恩澤侯不足道也

熙寧中蔡敏肅挺以樞密直學士帥平涼初冬置  
酒郡齋偶成喜遷鶯一闋霜天清曉望紫塞古  
壘寒雲衰草汗馬嘶風邊鴻翻月壘上鐵衣寒  
早劔歌騎曲悲壯盡道君恩難報塞垣樂盡雙  
鞬錦帶山西年少談笑刁斗靜烽火一把常送  
平安耗聖主憂邊威靈遐布驕虜且寬天討歲  
華向晚愁思誰念玉關人老太平也且歡娛不  
惜金尊頻倒詞成閑步後園以示其子朦朦寘  
之袖中偶遺墜爲磨門老卒得之老卒不識字

揮塵餘話

卷一  
三十五

汲古閣

持令筆吏辨之適郡之娼魁素與筆吏洽因授  
之會賜衣襖中使至敏肅開燕娼尊前執板歌  
此敏肅怒送獄根治倡之儕類祈哀于中使爲  
援于敏肅敏肅舍之復令謳焉中使得其本以  
歸達于禁中宮女輩但見太平也三字爭相傳  
授歌聲遍掖庭遂徹于宸聽詰其從來迺知敏  
肅所製裕陵卽索紙批出云玉關人老朕甚念  
之樞筦有闕畱以待汝以賜敏肅未幾遂拜樞  
密副使御筆見藏其孫稹家史言獻肅交結內



侍進詞柄用又不同也

元祐二年東坡先生入翰林暇日會張秦晁陳李  
六君子于私第忽有旨令換賜奉安神宗御容  
禮儀使呂大防口宣茶藥詔東坡就牘書云於  
赫神考如日在天顧羣公曰能代下一轉語否  
各辭之坡隨筆後書云雖光明無所不臨而躔  
次必有所舍羣公大以聳服導引鼓吹詞蓋亦  
是時作真迹今藏明清處

二事曾國華云

富文忠公熙寧二年再相王荆公爲叅知政事始

揮塵餘話

卷一  
三十六

汲古閣

用事與文忠不協文忠力丐去以使相判河南  
府上章自劾繼改亳州今錄於此清時竊祿難  
逃素食之譏白首佐朝遂起蔽賢之謗幸聖明  
之洞照舉毫髮以無遺顧此薄材尚容具位中  
謝切念臣業非經遠識寡通方少因章句之科  
得偕羣俊長脫簿書之秩獲事三朝仁宗之顧  
遇匪輕英廟之丁寧尤甚旋屬大人繼照飛龍  
在天思肯構於先基忽遐遺於萬物澗蘋何美  
雜圭璧以薦羞槽馭已疲復驛驕之共駕殫力

雖勞於負嶽小心更甚於履冰果不克堪遂貽  
彈劾如安石者學強辯勝年壯氣豪論議方鄙  
於古人措置肯諧於僚黨至使山林未學草澤  
後生放自得之良心樂人傳之異說蘋蘋者子  
說說其書足以干名足以取貴拖紳朝序者非  
安石之黨則指爲俗吏園冠校學者異安石之  
學則笑爲迂儒嘆古人之不生恨斯文之將喪  
臣切觀安石平居之間則口筆丘旦有爲之際  
則身心管商至乃忽故事於祖宗肆巧譏於中

揮塵餘話

卷一  
三十七

汲古閣

外喜怒惟我進退其人待聖主爲可欺視同僚  
爲不物臺諫官以茲切齒謂社稷付在何人士  
大夫罔不動心以朝廷安用彼相爲臣及此事  
主若何臣非不能秉筆華袞之前而正其非覆  
身青蒲之上而排其失重念陛下當淵默堯  
舜中和禹湯同天德之尚開待人臣之有體徒高  
唇吻莫補聰明且區區晉都尚有相先之下佐  
況赫赫昭代豈有不和之大臣愚念及斯衆言  
陋此伏乞陛下特申雄斷大決羣疑正安石過



舉之謬以幸保家邦白臣等後言之罪而俾歸  
田里如其尚矜微朽處以便藩不唯有遂於物  
情亦以不妨於賢路如是則始終事聖史傳不  
附於姦朋去就爲臣物議庶歸於直道其臨薨  
二表尤爲懇切明清家舊有之今不復存東坡  
先生公神道碑云手封遺表使其子上之者也  
徐敦立國紀亦載其略至於謂宮闈之臣不可  
使之專總兵柄人心不服易以敗事後來童貫  
之徒是矣謹哉先見之明焉

水未刻  
作水

揮塵餘話

卷一  
三十八

汲古閣

熙寧初司天監亢瑛奏後三十年西南有亂出于  
同姓是時方議皇族補外官於是詔宗室不得  
注授川峽差遣至建中靖國初趙諗叛于渝州  
相距果三十年其言迺驗繼而瑛又言丙午丁  
未汴都不守乘輿有播遷之厄不可輕改祖宗  
之法恐致召亂王荆公大怒啓裕陵竄瑛英州

韓知命云

魯文肅十子最鍾愛外祖空青公有壽詞云江南  
客家有寧馨兒三世文章稱大手一門兄弟獨

良眉籍甚衆多推千里足來自渥洼池莫倚善  
題鷲鷓賦青山須待健時歸不似傲當時其後  
外祖果以詞翰名世可謂父子爲知己也

陳禾字秀實四明人政和初爲右正言明日張膽  
展盡底緼時稱得人徽宗批出除給事中會宦  
官童貫黃經臣恃貴幸驕險且與中執法盧航  
相爲表裏搢紳側目莫敢言者禾曰吾備位臺  
諫朝廷有至可慮者一遷給舍則非其職此而  
不言後悔何追未受告命卽抗疏上言力陳漢

揮塵餘話

卷一

三十九

汲古閣

唐之禍不可不戒此隙一開異日有不勝言者  
惟陛下畱意於未然論列旣久上以日晚頗飢  
拂衣而起曰朕飢矣禾褰挽上衣泣奏曰陛下  
少畱容臣罄竭愚衷上爲少畱禾曰此曹今日  
受富貴之利陛下它日受危亾之禍孰爲重輕  
願陛下擇之上衣裾脫落上曰正言碎朕衣矣  
禾奏曰陛下不惜碎衣臣又豈惜碎首以報陛  
下其言激切上爲之變色且曰卿能如此朕復  
何憂內侍請上易衣上止之曰畱以旌直節翌



日經臣率其黨訴于上前曰國家極治如此安  
得有此不祥之語繼而盧航上章謂禾一介書  
生言事狂妄東臺之除既寢復責授信州監酒  
久之自便巧祠奉親還里先是陳瑩中寓居郡  
中禾交遊日久又遣其子正彙來從學後瑩中  
論列蔡元長得罪禾上書力爲救解及正彙告  
發蔡氏事父子俱就逮監獄者知瑩中與禾遊  
謂言必自禾發移文取證禾荅以事誠有之罪  
不敢逃人謂禾曰豈宜以實對禾曰禍福死生  
吾自有處豈肯以一死易不義耶儻得分賢者  
臯固所願也朝廷指以爲黨勒停宣和中起守  
龍舒以卒事見高抑崇閱所述行狀紹熙間史  
直翁再相上其所著易與春秋傳特官其孫近  
脩四朝史無人爲之立傳此節義遂失傳於後  
世可勝太息

林子忠有野史一編世多傳之其間議論與平日  
所爲極以背馳殊不可曉豈非知公論不可揜  
欲益其迹於天下後世耶

東坡先生雖竄斥于紹聖元符然元祐中黃慶基  
趙君錫賈易之徒已摘取其所行訓詞中語以  
爲詆誣後來施行蓋權輿於是史冊可以具考  
近人作好事如鄭介夫鄒志完陳瑩中士林每以  
爲佳話然如王和父之救東坡先生江民表之  
乞不深治蔡卞獄豐相之於祐陵前辯元祐諸  
公之無罪方軫之上書力詆蔡元長之失雍孝  
聞之奉廷對李彪之擬賢良策數二蔡之姦二  
人者俱罹刑辟之類尚多皆人之所難言惜乎  
揮塵餘話

卷一

四十一

汲古閣

世人之不盡知也

成都人景煥野人閑話蓋乾德三年所述其間載  
蜀後主一條今錄于後蜀後主孟氏諱昶字保  
元尊號睿文英武仁聖明孝皇帝道號玉霄子  
承高祖纂業性多明敏以孝慈仁義在位三紀  
已來尊儒尚學貴農賤商初用趙季良母昭裔  
知政事李仁學趙廷隱等分主兵權李昊徐光  
浦掌牋檄王處回爲樞要無何政教壅滯恩澤  
雜遝一旦赫怒誅權臣張業出王處回自命二



相李昊徐光浦

開獻納院創貢舉場不十餘年山西

潭隱者俱起肅肅多士赳赳武夫亦一方之盛事城內人生三十歲有不識米麥之苗者每春三月夏四月有遊浣花香錦浦者歌樂掀天珠翠闐咽貴門公子乘彩舫遊百花潭窮奢極麗諸王功臣已下皆置林亭異果名花小類神仙之境兵部王尚書珪題亭子詩其一聯曰十字水中分島嶼數重花外見樓臺皆此類也自大軍收復蜀主知運數有歸尋卽納款識者聞之揮塵餘話

卷一

四十二

汲古閣

嘉歎蜀主能文章好博覽知興亾有詩才嘗爲箴誠頒諸字人各令刊刻於坐隅謂之頒令箴曰朕念赤子旰食宵衣託之令長撫養惠綏政在三異道在七絲驅雞爲理畱犢爲規寬猛得所風俗可移無令侵削無使瘡痍下民易虐上天難欺賦與是切軍國是資朕之賞爵固不踰時爾俸爾祿民膏民脂爲民父母莫不仁慈勉爾爲誠體朕深私治平中張次功著蜀極杭亦書是箴與此一同

且宋刻作但

章獻明肅初自蜀中汎江而下舟過真州之長蘆  
有閩僧法燈者築茅庵岸旁燈一見聽其歌聲  
許以必貴倒囊津置入京繼遂遭際及位長樂  
燈尚在后捐奩中百萬緡命淮南兩浙江南三  
路轉運使創建大刹工巧雄麗甲于南北俾燈  
住持賜予不絕李邯鄲爲之碑至今存焉皇祐  
初名僧谷全號全大道以道行價重禪林住廬  
山圓通寺忽一男子貨藥入山自云帝子全見  
其狀貌頗異厚資其行使往京師自陳鞠治得  
其安迺都人冷緒之男青也誅之全坐黥配郴  
州郡中令荷築城之土經歲當盛暑忽弛檐市  
中作頌云今朝六月六老全受罪足若不登天  
堂定是入地獄言訖跌坐而化郡人卽其地建  
塔焉事有相類而禍福不侔如此者徐敦立國  
紀迺云全與青俱棄市誤矣

王文穆欽若以故相來守杭州錢唐一老尉蒼顏  
華髮矣文穆初甚不樂詢其履歷乃同年生惻  
然哀之遂封章於朝詔特改京秩尉以詩謝之



云當年同試大明宮文字雖同命不同我作尉  
曹君作相東君元沒兩般風

晁武子云

章俞者郇公之族子早歲不自拘檢妻之母楊氏  
年少而寡俞與之通已而有娠生子初產之時  
楊氏欲不舉楊氏母勉令畱之以一合貯水緘  
置其內遣人持以還俞俞得之云此兒五行甚  
佳將大吾門雇乳者謹視之既長登第始與東  
坡先生締交後送其出守湖州詩首云方丈仙  
人出渺茫高情猶愛水雲鄉以爲譏已由是怨

揮麈餘話

卷一  
四十四

汲古閣

之其子入政府俞尚無恙嘗犯法以年八十勿  
論事見神宗實錄紹聖相天下坡渡海蓋修報  
也所謂燕國夫人墓獨處而無耐者卽楊氏也

章芳仲云兒  
宋刻作而

元豐末章子厚爲門下侍郎以本官知汝州時錢  
穆父爲中書舍人行告詞云鞅鞅非少主之臣  
倖倖無大臣之操子厚固怨之矣元祐間穆父  
在翰苑詔書中有不容羣枉規欲動搖以指子  
厚尤以切齒紹聖初子厚入相例遭斥逐穆父

旣出國門蔡元度餞別因誦其前聯云公知子  
厚不可撩撥何故詆之如是穆父愀然曰鬼劈  
口矣元度曰後來代言之際何故又及之穆父  
笑曰那鬼又來劈一劈了去

朱希真先生云

周美成邦彥元豐初以太學生進汴都賦神宗命  
之以官除太學錄其後流落不偶浮沈州縣三  
十餘年蔡元長用事美成獻生日詩略云化行  
禹貢山川內人在周公禮樂中元長大喜卽以  
祕書少監召又復薦之上殿契合詔再取其本

揮麈餘話

卷一

四十五

汲古閣

生進表云六月十八日賜對崇政殿問臣爲諸  
生時所進先帝汴都賦其辭云何臣對曰賦語  
猥繁歲月持久不能省憶卽勅以本來進者雕  
蟲末技已玷國恩芻狗塵言再干睿覽事超所  
望憂過於榮切惟漢晉以來才士輩出咸有頌  
述爲國光華兩京天臨三國鼎峙奇偉之作行  
於無窮其惟神宗皇帝盛德大業卓高古初積  
害悉平百廢再舉朝廷郊廟罔不崇飾倉廩府  
庫罔不充仞經術學校罔不興作禮樂制度罔



不釐出攘狄片地罔不流行理財禁非動協成  
算以至鬼神懷鳥獸若搢紳之所誦習載籍之  
所編記三五以降莫之與京未聞承學之臣有  
所歌詠於今無傳視古爲愧臣於斯時自惟徒  
費學廩無益治世萬分之一不揣所堪哀集盛  
事鋪陳爲賦冒死進投先帝哀其狂愚賜以首  
領特從官使以勸四方臣命薄數奇旋遭時變  
不能俛仰取容自觸罷廢漂零不偶積年于茲  
臣孤憤莫伸大恩未報每抱舊藁涕泗橫流不

揮塵餘話

卷一  
四十六

汲古閣

岳於今得望天表親奉聖訓命錄舊文退省荒  
蕪恨其少作憂懼怕惑不知所爲伏惟陛下執  
道御有本於生知出言成章匪由學習而臣也  
欲晞雲漢之麗自呈繪畫之工唐突不量誅死  
何恨陛下德侔覆燾恩浹飛沉致絕異之祥光  
出久幽之神壘豐年屢應瑞物畢臻方將泥金  
泰山鳴玉梁父一代方冊可無述焉如使臣殫  
竭精神馳騁筆墨方於茲賦尚有靡者焉其元  
豐元年七月所進汴都賦并書共二策謹隨表

上進以聞表入乙覽稱善除次對內祠其後宣  
和中李元叔長民獻廣并都賦上亦甚喜除祕  
書省正字元叔定之孫也

柳色黃金嫩梨花白雪香陰鏗詩也李太白取用  
之杜子美太白詩云李白有佳句往往似陰鏗  
後人以謂以此譏之然子美詩有蛟龍得雲雨  
鵬鶚在秋天一聯已見晉書載記矣如冰肌玉  
骨清無汗水殿風來暗香滿孟蜀王詩東坡先  
生度以爲詞昔人不以路襲爲非南部煙花錄

揮塵餘話

卷一  
四十七

汲古閣

夕陽如有意偏傍小窗明唐人方域詩新唐書  
藝文志有方域詩一卷煙花錄一名大業拾遺  
記文詞極惡可疑而大業幸江都記自有十二  
卷唐著作郎杜寶所纂明清家有之永平時楊  
州印本也

沈睿達遼文通之同包長於歌詩尤工翰墨王荆  
公曾文肅學其筆法荆公得其清勁而文肅傳  
其真楷登科後遊京師偶爲人書帚帶詞頗不  
典流轉鬻于相藍內侍買得之達于九禁近幸



嬪御服之遂塵乙覽時裕陵初嗣位勵精求治  
一見不悅會遣監察御史王子韶察訪兩浙臨  
遣之際上諭之曰近日士大夫全無顧藉有沈  
遼者爲倡優書淫冶之辭於裙帶遂達朕聽如  
此等人豈可不治子韶抵浙中適睿達爲吳縣  
令子韶希旨以它罪劾奏時荆公當國爲申解  
之上復伸前說竟不能釋疑遂坐深文削籍爲  
民其後卜居池陽之齊山有集號雲巢編行於  
世

揮麈餘話

卷一  
四十八

汲古閣

